


# STUDENTSKI vodič

31022014







Učen čovjek uvijek u sebi ima bogatstvo

Dragi studenti,

Odabirom našeg Univerziteta donijeli ste pravu odluku. Ulaskom u našu akademsku zajednicu uključili ste se u projekte njenog razvoja i usavršavanja. Brojne novosti što ih u današnje studiranje uvodi Bolonjski proces, na čijim temeljima provodimo studiranje na Univerzitetu, trebale bi vas ohrabriti. Cijela akademska zajednica ulaže napore da visokoškolski obrazovni proces bude mladim ljudima bliži i da im osigura budućnost utemeljenu na stečenom znanju i vještinama.

Upravo iskustva iz proteklih godina osnovni su razlog izdavanja Vodiča za studente koji svojim sadržajem namjerava olakšati snalaženje i pružiti što potpunije informacije o načinima i pravilima studiranja. Ova će vas knjižica upoznati sa osnovnim principima na kojim počiva "Bolonjski proces", dati vam osnovna saznanja o načinu ocjenjivanja i polaganja ispita, o uvjetima za prelazak u narednu studijsku godinu i o mnogim drugim pitanjima koja su važna za vaš status studenta na našem Univerzitetu.

U sadržaju ovogodišnjeg Vodiča naći ćete i podatke o radu studentskih službi i drugih studentskih organizacija koje vam stoje na raspolaganju i tu su da vam pomognu u rješavanju problema koji mogu nastati tokom studija.

Studentski servis - informacijski sistem studentima pruža brojne mogućnosti kao što su npr. besplatan pristup internetu unutar mrežne infrastrukture Univerziteta, prijave ispita internetom, preuzimanje obavijesti u vezi sa ispitima, nastavnim materijalima i sl.

Studenti su članovi svih tijela koja rade na pripremi, izradi provođenju i usavršavanju svih segmenata u sistemu visokog obrazovanja. Uvjereni smo da ćete i Vi svojom mladošću, energijom, zalaganjem i odgovornim odnosom prema studiranju doprinijeti razvoju naše akademske zajednice.

*Univerzitet u Tuzli*



# Sadržaj

1. Bolonjski proces .....	3
2. Principi Bolonjske deklaracije .....	4
3. Kako studirati na prvom ciklusu .....	6
4. Polaganje ispita i ocjenjivanje .....	7
5. Ispitni rokovi .....	9
6. Upis u narednu godinu .....	10
7. Status studenta .....	11
8. Priznanja za studente .....	12
9. Studentske službe .....	13
10. Stipendije .....	14
11. Informacioni sistem za studente .....	16
12. Kako se registrovati .....	17
13. Mogućnost informacionog sistema .....	19
14. Studentski servis .....	20
15. Studentski centar .....	22
16. Studentsko organizovanje .....	23

# Bolonjski proces



Bolonjski proces je naziv za reformu visokog obrazovanja u Europi kojoj je cilj promoviranje mobilnosti studenata i profesora uspostavljanjem tzv. Europskog prostora visokog obrazovanja do 2010. godine.

Bolonjski proces je zvanično pokrenut potpisivanjem Bolonjske deklaracije, zajedničke deklaracije evropskih ministara obrazovanja, u Bologni 19.06.1999. godine. Deklaraciju je potpisalo 29 zemalja, a ona se odnosi na reformu sistema visokog obrazovanja u Europi koje je postala poznat kao "Bolonjski proces".

Ovaj proces se zasniva na nizu dokumenata i deklaracija, počevši od *Magna Charta Universitatum* (18.09.1988.) u kojoj se prikazuju osnovni principi utemeljenja, izgradnje i djelovanja univerziteta, a slijede je: Lisabonska konvencija (1997.), Sorbonska deklaracija (1998.), Bolonjska deklaracija (1999.), Salamanska konvencija (2001.), Praški (2002.), Berlinski (2003.), Bergenski (2005.) i Londonski (2007.) *communiqué*, te konferencije u Luvenu (2009), Budimpešti i Beču (2010.).

Bosna i Hercegovina je Bolonjskom procesu zvanično pristupila 2003. godine.



# Principi Bolonjske deklaracije

- 1. Sistem lako razumljivih i uporedivih zvanja** – Bolonjski proces studiranja zasniva se na dva glavna ciklusa studija:
  - a. **dodiplomskom (prvom ciklusu) i**
  - b. **postdiplomskom (drugom ciklusu).**Pristup drugom ciklusu zahtijeva uspješno završavanje prvog ciklusa studija (Bachelor), koje traje najmanje tri godine. Zvanje koje se dodjeljuje nakon prvog ciklusa je relevantno za evropsko tržište rada kao odgovarajući nivo kvalifikacije. Drugi ciklus vodi do zvanja magistra/mastera.
- 2. Mobilnost** – podrazumijeva slobodu studenata da sami izaberu ustanovu na kojoj će pohađati nastavu, bilo privremeno ili trajno. Mobilnost se odnosi i na nastavno i naučno osoblje. Neke od prednosti mobilnosti su šira mogućnost zapošljavanja, razvoj naučno-istraživačkog rada, razmjena i usavršavanje nastavnog kadra, sticanje novih iskustava, zblizha vanje ljudi, itd. Evropski programi mobilnosti studenata uključuju programe *Socrates*, *Leonardo da Vinci*, *Youth*, *Erasmus Mundus*, *Tempus* i dr.
- 3. ECTS** (*European Credit Transfer System*) - evropski sistem prenosa bodova/kredita jeste jedinstven sistem koji omogućava lakšu prepoznatljivost i poređenje različitih obrazovnih programa na univerzitetima i drugim visokoobrazovnim institucijama u zemljama Evrope. ECTS krediti predstavljaju brojčane vrijednosti od 1 do 60. Dodjeljuju se nastavnim predmetima i daju informaciju o studentskom opterećenju neophodnom za uspješno savladavanje.
- 4. Priznavanje kvalifikacija** – omogućava studentima da iskoriste svoje kvalifikacije u drugom obrazovnom sistemu ili zemlji bez gubljenja pune vrijednosti tih kvalifikacija. Postoje dvije osnovne vrste priznavanja:
  - a) akademsko - kada student želi da pređe na drugu visokoobrazovnu ustanovu i
  - b) stručno - omogućava diplomiranom studentu da svoje zvanje upotrijebi na tržištu rada pomoću Dodatka diplomi (*Diploma supplement*).

**Dodatak diplomi** je dokument koji se bez naknade izdaje studentu zajedno sa diplomom o završenim studijima i čiji cilj je povećanje međunarodne "transparentnosti" i olakšavanje procedura akademskog i profesionalnog priznavanja programa i zvanja.



5. **Zajednička zvanja** – ostvaruju se kroz zajedničke studijske programe kao sredstvo stimulacije akademske mobilnosti i saradnje između visokoobrazovnih ustanova.
6. **Osiguranje kvalitete** - osnovni cilj Bolonjskog procesa je definisanje i praćenje evropskih standarda kvaliteta u oblasti visokog obrazovanja. U tom kontekstu se kao instrumenti kontrole kvaliteta koriste evaluacija i akreditacija.
  - a. **Evaluirati** znači procijeniti nastavne i akademske studije na datom predmetu/zavodu/programu.
  - b. **Akreditacija** tj. certifikacija pojedinih studijskih programa sprovodi se nakon što se revizijom ustanovi da su zadovoljeni minimalni uslovi za sadržaj i specijalizaciju i stručni značaj programa.
7. **Doživotno učenje** – Bolonjski proces podržava doživotno učenje kroz razvoj formalnog i neformalnog obrazovanja, kreiranje fleksibilnijih načina predavanja i učenja, poput kombinovanja studiranja sa radom, te širi pristup visokom obrazovanju.
8. **Zapošljivost** – ona se definiše kao sposobnost da se zaposli, sačuva posao, kao i da se kreće unutar tržišta rada. Ovo je od početka jedan od glavnih ciljeva Bolonjskog procesa. Zvanje svakog ciklusa visokog obrazovanja relevantno je za tržište rada.
9. **Socijalna dimenzija** – podrazumijeva jednake mogućnosti u visokom obrazovanju što se tiče pristupa, učestvovanja i uspješnog okončanja studija, uslova studiranja i života, uputstva i savjetovanja, finansijske podrške, te učestvovanja studenata u upravljanju visokim obrazovanjem.



# Kako studirati na prvom ciklusu

Studij prvog ciklusa je zasnovan na Evropskom sistemu prenosa bodova (ECTS) i traje najmanje tri i najviše četiri godine studija, a vrijeduje se sa najmanje **180**, odnosno **240** ECTS bodova (izuzetak su studij farmacije - pet godina i **300** ECTS bodova, te studij medicine - šest godina i **360** ECTS bodova).

Studijska godina se organizuje u dva semestra (zimski i ljetni), od kojih svaki ima 15 nastavnih sedmica. Uz izvođenje nastave organizuje se kontinuirana provjera znanja studenata. Nastavnik je dužan da u toku nastave, izrade samostalnih zadataka i pripreme provjere znanja pomogne studentima organizovanjem konsultacija.

Ukupno angažovanje studenta sastoji se od:

- nastave (predavanja, auditorne i/ili praktične vježbe, praksa, seminarski radovi i dr.),
- samostalnog rada (testovi, kolokvijumi, završni ispiti),
- završnog rada (ako je predviđen studijskim programom),
- dobrovoljnog rada studenta u lokalnoj zajednici i ostalih vidova angažovanja studenata.

Prisustvo svim vidovima nastave je obavezno i o njemu se vodi evidencija na osnovu koje student, po odslušanom semestru, dobija potpis od predmetnog nastavnika.

Student upisuje narednu godinu studija na osnovu ostvarenih ECTS bodova iz prethodne godine studija.

Kada student ostvari prolaznu ocjenu 6 (šest) i više, predmetni nastavnik upisuje ocjenu u ispitnu prijavu i u indeks studenta, što ovjerava svojim potpisom. Ukoliko student ne ostvari ECTS bodove iz nekih nastavnih predmeta, ponovo upisuje iste ako pripadaju grupi obaveznih predmeta. Ako je nastavni predmet iz grupe izbornih predmeta, student može ponovo upisati isti ili odabrati drugi nastavni predmet da bi ostvario potreban broj ECTS kredita.

Određenim studijskim programom prvog ciklusa studija može biti predviđena izrada i odbrana **završnog rada**.

*Za detaljnije informacije vidjeti:*

Pravila studiranja na prvom ciklusu studija na Univerzitetu u Tuzli



# Polaganje ispita i ocjenjivanje



Uspješnost studenta u savladavanju određenog nastavnog predmeta prati se i ocjenjuje se kontinuirano tokom trajanja nastave u semestru, a izražava se bodovima.

Ispunjenjem **predispitnih obaveza** (provjere znanja testiranjem, kolokviranjem i zadaćama, te prisustvo i aktivnost na predavanjima i vježbama) i polaganjem **završnog ispita** student može ostvariti **najviše 100 bodova**. Pri tome predispitne obaveze podrazumijevaju najmanje 50 bodova, a završni ispit najviše 50 bodova. Dakle, konačna ocjena za dati nastavni predmet, formira se na osnovu zbira bodova ostvarenih na aktivnostima u toku nastave, predispitnim provjerama i završnom ispitu.

**Predispitne provjere znanja** se mogu realizirati u pismenoj, usmenoj ili praktičnoj formi.

**Završni ispit** se polaže u pismenoj, usmenoj ili praktičnoj formi, odnosno kombinacijom najviše dva od utvrđenih oblika.

Pismena ili praktična provjera znanja iz jednog nastavnog predmeta ne može trajati kraće od jedan, niti duže od tri školska časa. Student u jednom danu može polagati završni ispit iz samo jednog nastavnog predmeta.

Ocjena na ispitu se utvrđuje prema slijedećoj skali:

- |                                   |                |
|-----------------------------------|----------------|
| • ocjena 5 (pet), za ostvarenih   | 0-53 boda      |
| • ocjena 6 (šest) za ostvarenih   | 54-63 boda     |
| • ocjena 7 (sedam) za ostvarenih  | 64-73 boda     |
| • ocjena 8 (osam) za ostvarenih   | 74-83 boda     |
| • ocjena 9 (devet) za ostvarenih  | 84-93 boda     |
| • ocjena 10 (deset) za ostvarenih | 94-100 bodova. |

Student koji ne pristupi završnom ispitu iz nekog predmeta ili ne ostvari ukupan broj bodova dovoljan za prolaznu ocjenu, može pristupiti **popravnom ispitu** iz datog predmeta, te kasnije i **dodatnom popravnom ispitu**.



# Polaganje ispita i ocjenjivanje

**Rezultati** pismenog dijela završnog ispita moraju biti objavljeni najkasnije 15 (petnaest) dana od dana održavanja ispita.

Ispitu, pored studenta i predmetnog profesora/asistenta, obavezno mora prisustvovati najmanje još jedna osoba iz reda studenata, profesora ili asistenata.

Student ima pravo uvida u sve pismene provjere znanja sa ispita, u za to predviđenim terminima, kao i pravo prigovora na objavljene rezultata ispita. Prigovor na rezultate ispita se podnosi dekanu, u pismenoj formi u roku od 24 sata, računajući od saopštenja rezultata ispita. Dekan razmatra prigovor studenta i donosi rješenje kojim odlučuje o zahtjevu studenta, u roku od 24 sata od prijema prigovora i isto oglašava na oglasnoj ploči fakulteta/ADU.

Ukoliko se usvoji prigovor studenta, student polaže ispit pred komisijom u roku od 24 sata računajući od dana podnišenja prigovora, a izuzetno u roku od 72 sata, ukoliko je predmetni nastavnik gostujući profesor.

Za vrijeme ispita student je dužan da se ponaša u skladu sa utvrđenim pravilima ponašanja koja zabranjuju:

- napuštanje i vraćanje u prostoriju gdje se ispit održava,
- bilo kakvu komunikaciju sa drugim studentom,
- upotrebu bilo kojih nedozvoljenih pomagala,
- druga nedozvoljena ponašanja kojima se remeti ispit.

*Za detaljnije informacije vidjeti:*

Pravila o načinu polaganja ispita i ocjenjivanju studenata na Univerzitetu u Tuzli

## **Studenti sa posebnim potrebama**

Za studente sa posebnim potrebama i studente sa disleksijom koji nisu u mogućnosti da ispit polažu na način utvrđen studijskim programom, ili ukoliko prostorija za polaganje ispita nije dostupna takvim studentima, fakultet će obezbijediti drugi odgovarajući način polaganja.

Student iz prethodnog stava obavezan je najkasnije tri dana prije polaganja ispita podnijeti zahtjev dekanu fakulteta za polaganje ispita, na način prilagođen njegovoj potrebi.

# Ispitni rokovi



Ispiti u akademskoj 2013/14. godini će se održati u sljedećim ispitnim terminima:

- 1. Završni ispit zimskog semestra** održat će se od **06. do 18. januara 2014. godine** (sa mogućnošću početka 23. decembra 2013.) za predmete iz zimskog semestra, **a završni ispit ljetnog semestra** od **09. do 21. juna 2014. godine** (sa mogućnošću početka 26. maja) za predmete iz ljetnog semestra.
- 2. Popravni ispiti** održat će se od **03. do 15. februara 2014. godine** za predmete iz zimskog semestra, odnosno od **07. do 19. jula 2014. godine** za predmete iz ljetnog semestra.
- 3. Dodatni popravni ispiti** održat će se od **18. avgusta do 06. septembra 2014. godine** (za sve ispite).



# Upis u narednu godinu

U narednu studijsku godinu moguće je preći i bez da položite sve predmete iz tekuće godine.

Naime u narednu godinu moguće je prenijeti **najviše 10 ECTS** (npr. Nastavni predmet 1 nosi 2 ECTS, Nastavni predmet 2 nosi 5 ECTS, Nastavni predmet 3 nosi 3 ECTS, što je zbirno 10 ECTS, i sl.) ili **najviše dva nastavna predmeta koji zajedno nose više od 10 ECTS** (npr. "Nastavni predmet 1" nosi 7 ECTS, "Nastavni predmet 2" nosi 9 ECTS, što je ukupno 16 ECTS i sl.).

Izuzetak su **uslovni nastavni predmeti** tj. predmeti koji se ne mogu prenijeti u narednu godinu, već se moraju položiti u tekućoj studijskoj godini.

Student koji ne stekne uslove za prelazak u narednu godinu, **obnavlja** istu godinu studija, s tim da je obavezan platiti **naknadu za obavljanje ispita**. Naknada se plaća za svaki nepoloženi nastavni predmet, a vrijedi i za završne i za popravne ispite tokom tekuće akademske godine.

Mirovanje statusa studenta, prelazak sa drugog univerziteta i način priznavanja položenih ispita, završetak studija prije utvrđenog roka, uključivanje studenata u naučno-istraživački rad, te nagrađivanje studenata provodi se pod uslovima i u postupku utvrđenom Pravilima studiranja.

*Za detaljnije informacije vidjeti:*  
Statut Univerziteta u Tuzli

# Status studenta



Kandidati koji su upisani na Univerzitet, na prvu godinu prvog ciklusa studija, stiču status:

- 1) redovnog studenta koji se finansira iz budžeta;
- 2) redovnog studenta koji se samostalno finansira, ili
- 3) vanrednog studenta, koji se samostalno finansira.

Student upisan u prvu godinu u statusu studenta koji se sam finansira i koji u toku akademske godine ostvari 60 ECTS ili ostvari uslov za upis u narednu godinu studija, u narednoj godini može se finansirati iz budžeta Kantona, s tim da se prilikom prve obnove vraća u status studenta koji se sam finansira.

Status studenta koji se finansira iz budžeta Kantona može ponovo steći ako u narednoj upisanoj akademskoj godini ostvari uslov za upis

Studenti u statusu vanrednog, ne mogu preći u status redovnog studenta.

Status studenta prestaje:

- a) okončanjem ciklusa studija,
- b) ispisom sa visokoškolske ustanove,
- c) isključenjem sa visokoškolske ustanove po postupku i uz uslove utvrđene zakonom, statutom ili drugim opštim aktom visokoškolske ustanove,
- d) kada student ne upiše narednu godinu studija, ne obnovi upis u istu godinu u propisanom roku, a ne miruju mu prava i obaveze studenta,
- e) u drugim slučajevima propisanim zakonom, statutom ili opštim aktom visokoškolske ustanove.

Status redovnog studenta prestaje i studentu koji 2 (dva) puta obnovi istu studijsku godinu i ne stekne uslov za upis u narednu godinu studija.

Lice koje je izgubilo status redovnog studenta može na zahtjev nastaviti započeti studij u statusu **redovnog studenta koji se sam finansira**.

Status studenta stečen na taj način može se mijenjati najviše dva puta do okončanja ciklusa studija.

O prestanku statusa studenta odlučuje dekan fakulteta/ADU posebnim rješenjem.



## Priznanja za studente

U toku prvog ciklusa studiranja, studenti za nadprosječne rezultate ostvarene u toku studija mogu dobiti dvije vrste priznanja, to su:

1. Zlatna plaketa Student generacije i
2. novčana nagrada.

Za postignuti uspjeh tokom studija, jednom studentu Univerziteta se dodjeljuje posebno priznanje u obliku Zlatne plakete Student generacije Univerziteta.

Zlatna plaketa dodjeljuje se redovnom studentu koji je u redovnom roku, bez obnavljanja godine, najranije okončao studij sa najvećom ukupnom prosječnom ocjenom na Univerzitetu od najmanje 9,50 koji je diplomirao najkasnije do kraja tekuće akademske godine u kojoj je ovjerio zadnji semestar.

Dobitniku Zlatne plakete Student generacije Univerziteta pripada i nagrada u vidu školarine za naredni ciklus studija na Univerzitetu.

*Za detaljnije informacije vidjeti:*

Pravilnik o radu Fonda za nagrađivanje studenata dodiplomskog studija i naučno i stručno usavršavanje zaposlenika Univerziteta u Tuzli

# Studentske službe



Na svakom fakultetu postoji studentska služba koja je na raspolaganju studentima u predviđenim terminima, najčešće od 10:00 do 14:00 h.

U studentskoj službi studenti ovjeravaju semestar, dobijaju uvjerenja/potvrde o svom statusu, kao i sve informacije koje su im potrebne u toku studija.

Na početku svakog semestra student je dužan predati dokumente za upis semestra. Takođe, na kraju svakog semestra, nakon što student prikupi sve potpise od profesora iz nastavnih predmeta koje je slušao u semestru, dužan je predati dokumente za ovjeru semestra.

Student za svaki semestar uplaćuje, prethodno definisani novčani iznos na ime školarine. Ova uplata se vrši na uplatnicom, koja se nakon uplate predaje zajedno sa indeksom i ostalim potrebnim dokumentima u studentsku službu fakulteta. Iznos koji se uplaćuje je različit i zavisi od toga da li se radi o redovnom, studiju za vlastite potrebe ili vanrednom studiju.

Studenti sve dokumente za ovjeru semestra, prijave ispita, uvjerenja i slične materijale mogu kupiti u skriptarnici Univerziteta (zgrada Tehnološkog fakulteta).

Za dodatne informacije studenti se mogu direktno obratiti studentskoj službi na fakultetu ili posjetiti stranicu matičnog fakulteta na kojoj mogu pronaći kontakt podatke.



# Stipendije

Svake godine se objavljuju konkursi za dodjelu stipendija studentima. Visine stipendija su različite, ali svakako dobro dođu za plaćanje školarine, kupovinu knjiga, ali i za odlazak na zasluženi odmor nakon položenih ispita. Neke od web stranica na kojima možete naći konkurse za različite stipendije su:

[www.untz.ba](http://www.untz.ba)

[www.mladi.info](http://www.mladi.info)

[www.stipendije.info](http://www.stipendije.info)

[www.studentskiservis.ba](http://www.studentskiservis.ba)

[www.spaja-lica.com](http://www.spaja-lica.com)

[www.srce.ba](http://www.srce.ba)

[www.studentskioglasi.ba](http://www.studentskioglasi.ba)

[www.infostud.com](http://www.infostud.com)

[www.soros.org.ba](http://www.soros.org.ba)

[www.fondbosnjaci.co.ba](http://www.fondbosnjaci.co.ba)

[www.fondacijamilanjelic.org](http://www.fondacijamilanjelic.org)

[www.fmon.gov.ba](http://www.fmon.gov.ba) (FMON – Fond za studentska zajmove FBiH)

[www.fbihvlada.gov.ba](http://www.fbihvlada.gov.ba)

[www.vladars.net](http://www.vladars.net)

[www.vladatk.kim.ba](http://www.vladatk.kim.ba)

[www.monkstk.ba](http://www.monkstk.ba) (MONKS TK – Obrazovanje – Konkursi/Oglasi)

[www.tuzla.ba](http://www.tuzla.ba) (Općina Tuzla – Javni pozivi i konkursi)

[www.study-in-europe.com](http://www.study-in-europe.com)

[www.studiraj.ba](http://www.studiraj.ba)

[www.stipendije.ba](http://www.stipendije.ba)

[www.s4wb.eu](http://www.s4wb.eu)

[www.joineusee.eu](http://www.joineusee.eu)





Konkursi na koje aplicira najveći broj studenata našeg Univerziteta:

- Stipendija Općine Tuzla

**Nagrada Općine Tuzla za ostvaren nadprosječan uspjeh**

**Gdje naći?** [www.tuzla.ba](http://www.tuzla.ba) (Općina Tuzla – Javni pozivi i konkursi)

**Kada?** mart/april

- Stipendija Ministarstva obrazovanja, nauke, kulture i sporta Tuzlanskog kantona

**Kredit redovnim studentima dodiplomskog studija koji su ostvarili nadprosječan uspjeh  
Kredit redovnim studentima dodiplomskog studija po osnovu materijalnog položaja i socijalnog statusa**

**Gdje naći?** [www.monkstk.ba](http://www.monkstk.ba) (Obrazovanje - Konkursi/Oglasi)

**Kada?** mart/april

- Stipendije Ministarstva za boračka pitanja Tuzlanskog kantona

**Stipendija studentima braniteljske populacije Tuzlanskog kantona**

**Gdje naći?** [www.vladatk.kim.ba](http://www.vladatk.kim.ba)

**Kada?** septembar/oktobar

- Federalni studentski zajam od strane Federalnog ministarstva obrazovanja, nauke, kulture i sporta

**Studentski zajmovi na osnovu akademskog i socijalnog statusa**

**Gdje naći?** [www.fmon.gov.ba](http://www.fmon.gov.ba) (Fond za studentske zajmove FBiH)

**Kada?** mart/april



# Informacioni sistem za studente

Osnovne usluge koje se pružaju putem informacionog sistema svim studentima Univerziteta su:

- elektronska identifikacija studenta (Student ID)
- informatička mobilnost studenata
- e-mail adrese ime.prezime@student.nazivfakulteta.untz.ba
- masovno elektronsko anketiranje studenata
- distribucija materijala za nastavu u elektronskom obliku
- mogućnost prijave ispita internetom
- mogućnost online testiranja studenata
- besplatan pristup internetu unutar mrežne infrastrukture Univerziteta (više od 5000 m<sup>2</sup> prostora u objektima Univerziteta je pokriveno putem Hotspot usluge – usluge bežičnog interneta).

Šta to znači studentima?

- **“Elektronska prijava ispita“** - omogućava studentima da putem Interneta pregledaju raspored ispita, prijave ispite i pregledaju ocjene iz položenih predmeta koje se nalaze u bazi podataka Studentske službe. Prodekanima za nastavu je omogućeno da unose rasporede polaganja ispita i izvrše pregled prijavljenih studenata za određeni ispitni termin.
- **“e-nastava“** - omogućava svim nastavnicima i saradnicima Univerziteta da postavljaju nastavni materijal, obavijesti, rezultate ispita i sl. na fakultetske web stranice, s ciljem unaprijeđenja komunikacije sa studentima.
- **“Studentska služba“** - omogućava zaposlenicima studentskih službi unos i evidenciju svih podataka o studentima u jedinstvenu centralnu bazu podataka studenata Univerziteta. Na ovaj način studenti mogu jednostavno i veoma brzo dobiti odgovarajuća uvjerenja i potvrde.

# Kako se registrovati



Od akademske 2012/13. godine svaki student Univerziteta koji je upisan prvi put na neki od fakulteta počev od akademske 2008/09. godine, ima mogućnost pristupa informacionim resursima Univerziteta (e-mail, e-nastava, prijava ispita, pregled položenih ispita itd., besplatan Internet unutar objekata Univerziteta) korištenjem jedinstvenog autentifikacijskog i autorizacijskog sistema.

Kako se registrovati?

Stranica na kojoj se vrši prijava na sistem je: [www.student.untz.ba](http://www.student.untz.ba)

www.student.untz.ba →

 **Univerzitet u Tuzli**  
Bosna i Hercegovina

CENTRALNA PRIJAVA U INFORMACIONI SISTEM UNIVERZITETA U TUZLI

Korisničko ime@untz.ba

Šifra korisnika:

Molimo prijavite se sa korisničkim imenom koji vam je dodijelio univerzitet.  
Prilikom prve prijave molimo Vas da popunite trazene podatke u aplikaciji nastava.  
Trenutno su u bazi korisnika samo studenti upisani od 2008/2009 šk. godine.

Univerzitet u Tuzli © 2012 | web: [www.untz.ba](http://www.untz.ba) | Dr. Tihomila Markovića br 1 - 75000 Tuzla - Bosna i Hercegovina | [rektorat@untz.ba](mailto:rektorat@untz.ba)



# Kako se registrovati

Pri prvoj prijavi na sistem student unosi sljedeće podatke:

## **Korisničko ime:**

*ime.prezime@student.adu.untz.ba* – Akademija dramskih umjetnosti  
*ime.prezime@student.erf.untz.ba* – Edukacijsko-rehabilitacijski fakultet  
*ime.prezime@student.ef.untz.ba* – Ekonomski fakultet  
*ime.prezime@student.fe.untz.ba* – Fakultet elektrotehnike  
*ime.prezime@student.ftos.untz.ba* – Fakultet za tjelesni odgoj i sport  
*ime.prezime@student.frmf.untz.ba* – Farmaceutski fakultet  
*ime.prezime@student.ff.untz.ba* – Filozofski fakultet  
*ime.prezime@student.mf.untz.ba* – Mašinski fakultet  
*ime.prezime@student.medf.untz.ba* – Medicinski fakultet  
*ime.prezime@student.pf.untz.ba* – Pravni fakultet  
*ime.prezime@student.pmf.untz.ba* – Prirodno-matematički fakultet  
*ime.prezime@student.rggf.untz.ba* – Rudarsko-geološko-građevinski fakultet  
*ime.prezime@student.tf.untz.ba* – Tehnološki fakultet

**Šifra korisnika je:** lični *JMBG* – jedinstveni matični broj građanina.

**Važno je da student nakon prve prijave izvrši promjenu svoje korisničke šifre.  
(Kliknite na Email->Preferences->ChangePassword)**

Ukoliko student zaboravi ili izgubi vlastitu šifru, ili ima problema sa prijavom na sistem korištenjem *JMBG*, može se obratiti u studentsku službu. Uvidom u ličnu kartu i indeks, uposlenici studentske službe će izvršiti postavljanje pristupne šifre studenta na *JMBG*.

Nakon uspješne prijave, student je u mogućnosti da putem korisničkog okruženja pristupi svim navedenim uslugama.

# Mogućnost informacionog sistema



E-MAIL E-NA STAVA PRIJAVA I ISPITA

**Studentski servis** web client

Home Mail Address Book Tasks Preferences Social Rezultati ispita Nastava Aneta Prijavnica

Refresh

**Besplatan internet za studente Univerziteta u Tuzli**

U toku je implementacija sistema za besplatno pružanje usluga bezžičnog interneta u objektima Univerziteta u Tuzli zajedno sa pripadajućom 3ifrom dozvoljava autorizaciju i autentifikaciju prilikom spajanja. Prostori u objektima bez oznake su označeni kao indikator za korištenje usluge. Završetak radova na implementaciji je početak školske 2011./2012. godine. Sistem u drugoj fazi implementacije ima za cilj integraciju sa internacionalnim edukacijskim i istraživačkim i obezbjeđuje roaming studentima Univerziteta u Tuzli na infrastrukturna drugih zemalja.

**Daj svoje mišljenje**

Voliš bih vidjeti na Univerzitetu

- Studentski internet radio
- Prijavu ispita online
- Besplatne hotspot-ove
- Razmjenu fajlova

[Prikaži](#) [Rezultati](#)

**Vrijeme u Tuzli**

**Ponedjeljak**  
min. 20 °C | max. 32 °C  
Vedro

**Utorak**  
min. 16 °C | max. 32 °C  
Vedro

**Srijeda**  
min. 11 °C | max. 26 °C

**Novosti iz Tuzlanskog kantona**

- [Prvi službeni rezultati: Pobjedile d. ostaju u suzozoni](#)
- [Dvjet medalja za tuzlanske olimpijce](#)
- [En rusometaki bez 5P-a, Nijemci s plus 2](#)
- [Sudbonosno da reko 15 parova](#)

**Studentski internet radio**

00:00

Izgled prozora sa pregledom rasporeda ispita sa mogućnošću prijave i odjave ispita:

E-MAIL E-NA STAVA PRIJAVA I ISPITA @STUDENT.FE.UNTZ.BA

**Studentska služba** web client

Naslovna | Lični podaci | Prijava/Odjava ispita | Pregled položenih ispita

Korisnik: [ime]

**Pregled rasporeda ispita za tekuću akademsku godinu - ispite je moguće prijaviti/odjaviti najkasnije 2 dana prije zakazanog termina**

Rb.	God.	Sem.	Predmet	Datum	Vrijeme	Tip ispita	Prostorija	Studijski program	Ispit	Ispit	Prijavljen	Omogučeno
1.	1	1	Osnovi računarstva	20.8.2012	8:0	Dodatni popravni	A008	Svi studijski programi	Prijavi	Odjavi		
2.	1	1	Fizika I	23.8.2012	8:0	Dodatni popravni	A008	Svi studijski programi	Prijavi	Odjavi		
3.	1	1	Istorija elektrotehnike	24.8.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	
4.	1	1	Materijali u elektrotehnici	24.8.2012	8:0	Dodatni popravni	A101	Svi studijski programi	Prijavi	Odjavi	<input type="checkbox"/>	
5.	1	1	Matematika I	28.8.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	
6.	1	1	Osnovi elektrotehnike I	31.8.2012	8:0	Dodatni popravni	A008	Svi studijski programi	Prijavi	Odjavi		
7.	1	2	Uvod u energetske sisteme	6.7.2012	8:0	Popravni	A008	Svi studijski programi	Prijavi	Odjavi	<input type="checkbox"/>	
8.	1	2	Uvod u energetske sisteme	5.9.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	
9.	1	2	Osnovi programiranja	2.7.2012	8:0	Popravni	A008	Svi studijski programi	Prijavi	Odjavi	<input type="checkbox"/>	
10.	1	2	Osnovi programiranja	27.8.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	
11.	1	2	Fizika II	5.7.2012	8:0	Popravni	A008	Svi studijski programi	Prijavi	Odjavi	<input type="checkbox"/>	
12.	1	2	Fizika II	4.9.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	
13.	1	2	Mikroelektromehanički sistemi	6.7.2012	8:0	Popravni	A101	Svi studijski programi	Prijavi	Odjavi	<input type="checkbox"/>	
14.	1	2	Mikroelektromehanički sistemi	5.9.2012	8:0	Dodatni popravni	A101	Svi studijski programi	Prijavi	Odjavi	<input type="checkbox"/>	
15.	1	2	Matematika II	10.7.2012	8:0	Popravni	A101	Svi studijski programi	Prijavi	Odjavi	<input type="checkbox"/>	
16.	1	2	Matematika II	6.9.2012	8:0	Dodatni popravni	A101	Svi studijski programi	Prijavi	Odjavi	<input type="checkbox"/>	
17.	1	2	Osnovi elektrotehnike II	12.7.2012	8:0	Popravni	A008	Svi studijski programi	Prijavi	Odjavi	<input type="checkbox"/>	
18.	1	2	Osnovi elektrotehnike II	7.9.2012	8:0	Dodatni popravni	A008	Svi studijski programi	Prijavi	Odjavi	<input type="checkbox"/>	



# Studentski servis

Izgled jedne od stranica **e-nastave** na kojoj se može izvršiti online provjera znanja ili na jednostavan način doći do različitih nastavnih materijala koji se nude studentu:

ema-stava-fac.untz.ba/course-view.php?id=4

Univerzitet Multicom Migracija Cisco Netcad Centralops intDNS firewall.kuca Blacklist Untangle Materijal za nastavu - ... Propagiranje Site

## Elektromagneta kompatibilnost

Početna strana > Moj kursiv > Elektromagneta kompatibilnost

### Navigacija

- Početna strana
- Moja naslovna strana
- Stranice sajta
- Moj profil
- Moj kursevi
  - Elektromagneta kompatibilnost**
    - Učesnici
    - Izveštaji
    - Opšte
    - Tema 1
    - Tema 2
    - Tema 3
    - Tema 4
    - Tema 5
    - Električne mašine II
    - Električne mašine I

### Pregled teme

Forum vesti

1. Predavanje "Pojmovi i definicije"  
Definicije pojmova i standardi, EMC i EMI definicije, CE i EMC oznacavanje  
Lab 1. "Mjerenje NF električnih i magnetskih polja"
2. Predavanje "Izvori EMI"  
Definicije izvora elektromagnetne interferencije, Osnovni uvjeti i klasifikacije.  
Provjera znanja I  
Seminarski rad
3. Predavanje "Izvori EMI i način njihovog prenošenja"  
Izvori elektromagnetnih smetnji i način njihovog prenošenja



Sticanjem statusa studenta, student dobiva i svoj „studentski karton“ u elektronskoj bazi Studentske službe, a tokom studiranja, kao i po završetku, može dobiti uvjerenja i potvrde o svom statusu.

Evidencija studenata - Unos novog studenta	
<b>Osnovni podaci o studentu</b>	
Broj indeksa	<input type="text"/>
JMBG	<input type="text"/>
Broj pasoa	<input type="text"/> (samo za strane državljane)
Ime	<input type="text"/>
Prezime	<input type="text"/>
Datum rođenja	<input type="text"/> (opr. 23.05.1980)
Mjesto rođenja	<input type="text"/>
Općina rođenja	<input type="text"/>
Država rođenja	<input type="text"/>
Spol	<input type="text"/>
Email	<input type="text"/>
Telefon	<input type="text"/>
Prelaznik	<input type="text"/>
Sa kojeg fakulteta	<input type="text"/>
Drugi univerzitet (fakultet)	<input type="text"/>
Prvi puta upisan u akademskoj	<input type="text"/> 2012/2013 godini
Mjesto stalnog boravka	<input type="text"/>
Općina stalnog boravka	<input type="text"/>
Adresa stalnog boravka	<input type="text"/>
Adresa boravka za vrijeme nastave	<input type="text"/>
Srednja škola	<input type="text"/>
Mjesto završetka škole	<input type="text"/>
<b>Podaci o roditeljima</b>	
Ime oca	<input type="text"/>
Prezime oca	<input type="text"/>
Stručna sprema	<input type="text"/>
Zanimanje	<input type="text"/>
Ime majke	<input type="text"/>
Prezime majke	<input type="text"/>
Stručna sprema	<input type="text"/>
Zanimanje	<input type="text"/>
<b>Upis akademske godine</b>	
Semestralni list	<input type="text"/>
Naziv studijskog programa	<input type="text"/>
Upisuje semestar	<input type="text"/>
Koji put upisuje semestar	<input type="text"/>
Datum upisa	<input type="text"/> (opr. 02.10.2011)
Akademska godina prvog upisa	<input type="text"/>
Broj priznatih semestara	<input type="text"/>
Status	<input type="text"/>
Školarina kategorija	<input type="text"/>
Iznos školarine	<input type="text"/> KM (opr. 375 ili 375,45)

Podršku studentima za upotrebu navedenih softverskih paketa pružaju, pored uposlenika studentskih službi i prodekani, kao i svi nastavnici i saradnici zaposleni na Univerzitetu u Tuzli.



# Studentski centar

Studentski centar Univerziteta u Tuzli pruža usluge smještaja i ishrane studenata u tri odvojena studentska paviljona, kapaciteta 575 ležaja, smještenih u zapadnom kampusu (Slatina):

- studentski dom PAV-I (255 kreveta)
- studentski dom PAV-II (120 kreveta)
- studentski dom PAV-III (201 krevet).

Sobe Studentskog doma su dvokrevetne i trokrevetne.

Smještaj u studentske domove vrši se na osnovu konkursa koji se raspisuje u sredstvima javnog informisanja i objavljuje na web stranici Univerziteta.

Kapacitet ishrane studenata u studentskom restoranu iznosi oko 1.500 obroka dnevno.

Sala studentskog restorana raspolaže kapacitetom preko 300 mjesta, a služe se dva obroka dnevno (ručak i večera).

## **Kontakt informacije:**

**Adresa:** Studentski dom  
Ul. Muhameda Hevajia Uskufija 7, Tuzla

**Telefon/fax:**  
+ 387 (0)35 25 22 08



# Studentsko organizovanje



Statut Univerziteta u Tuzli predviđa uspostavu studentskog predstavničkog tijela, koje zastupa interese studenata i daje doprinos društvenim, klturnim, akademskim ili fizičko-rekreativnim potrebama studenata.

Unija studenata Univerziteta u Tuzli (u daljem tekstu USUT) je nevladina, neprofitna organizacija pri Univerzitetu u Tuzli, koja ima za cilj pomoći studentima pri rješavanju problema vezanih za studij, stručno usavršavanje studenata, studentske razmjene i dr.

USUT je studentska organizacija koja predstavlja i koja se zalaže za interese svih studenata Univerziteta, kako u okviru Univerziteta tako i van ovih institucija.

USUT je krovna studentska organizacija koja funkcioniše uz pomoć 14 studentskih organizacija koje se nalaze na svakom fakultetu.

Zakonom je propisano da studenti (predstavnici studenata iz svakog ciklusa) čine najmanje 15% članova Senata (najvišeg vrhovnog tijela Univerziteta) i 15% članova naučno-nastavnog vijeća fakulteta.

Svi studenti Univerziteta se mogu aktivno uključiti u rad studentskih organizacija koje aktivno djeluju na fakultetima, na način da kontaktiraju predstavnike ili se odazovu javnom pozivu za rad u studentskim organizacijama.

Kontakt: ***usut@untz.ba***

Web: ***www.usut.untz.ba***



Ured za nastavu i studentska pitanja

Prorektorica za nastavu i studentska pitanja:

prof.dr.sc. Rejhana Dervišević

i

saradnici:

Mirela Biberović

Emir Avdić


Dizajn: Rešad Grbović

Tiraž: 2500 primjeraka

Štampa:

"Off-set" d.o.o. Tuzla

Tuzla, septembar 2013.



Ured za nastavu i studentska pitanja